

جریدہ علمیہ

مشت جلید اسلامیک جریده رسمیه سید

ربیع الاول ۱۳۳۸

عدد ۵۱

آیدہ بر نشر اول نور

بشقی منہ

و کذا مدرسه الارشاد واعظین شعبه سی ایکنجی و اوچنجی صنف اصول فقه مدرسه
حمدی افندی حضرتلرینک وقوعبولان استعفا سنه مبنی یرینه مدرسه سلیمانیه خلاقیات
مدرسکلندن آچقده قالمش اولان فاضل عارف افدینک وشعه مذکورده علم کلام مدرسه
اولاف همشینلی شوکت افدینک طشرده بولنسی و مدت مدیده دوام ایدمه مسمی حبیبیه
مستغنی عد ایدیلهرک یرینه مدرسه سلیمانیه فقه شافعی مدرسکلندن آچقده قالمش اولان
حسن لامع افدینک ۲۲ تشرین ثانی سنه ۳۳۵ تاریخندن اعتباراً بالاصاله تعینلری اجرا
قلمش ایسه ده حسن لامع افدینک وظیفه مذکورده دوام ایدمه جکفی ییلدیرمسنه و برنجی
صنف علم کلام معلمی اولان خلیل کامل افدینک ده بو صروده وقوعبولان استعفا سنه
مبنی انحلال ایدن هر ایکی صنف کلام معلملکنه مدرسه سلیمانیه تاریخ فقه مدرسکلندن
آچقده قالمش اولان کامل و اعیان اعضالغه تعین بیورلمش اولان واعظین شعبه سی
اوچنجی صنف علم اخلاق معلمی نعیم بکک دوام ایدمه جکفه بناء یرینه بو درسی و کاله
اوقوتقمده اولوب تدریس خصوصنده لیاقت و اقتداری کوریلن نوره افدیلهک ۸ کانون اول
سنه ۳۳۵ تاریخندن بالاعتبار اصاله تعینلری اجرا اولمشدر .

دارالحکمة الاسلامیه طشره تشکیلاتی

کیرمه سونده مفتی افدینک تحت ریاستده تشکل ایدن دارالحکمة انجمن علمیسنک
بدایت تاسسندن اعتباراً بویوک بروقوف و غیرتله اتحاد و تطبیق ایتدیکی مقررات و اجرا آتی
کورلمکده اولوب بو دفعه کوی مکتبلرینک تربیه و آداب شرعیه دائره سنده اصلاحی
ایمجون قلمه الدقلری ۱۵ مادهک تعلیماتنامه دخی هر صورتله شایان شکران کورلایکندن
بروجه آتی عیناً نقل ایدمشدر .

کوی مکتبلرنده تطبیق اولنق اوزره انجمن علمی قراریله قلمه النان پروغرم
و تعلیماتنامه در .

ماده

۱ — کویلهک درجه وسعت و جسامته و مقدار نفوسنه کوره هرقریده برزویا
متعدد مکتبلر تاسیس و کشاد ایدیله جکدر .

۲ — مکتب بوسه تشرین نانی ابتداسنده آجیله حق و مارت نهایتده قادیله جقدر . مدت تحصیل شمدیک بش آیدر .

۳ — معلملرک انتخاب و تعیینی و معاشلرینک تخصیص و تسویه سی قنواخانه ده مبشکل دارالحکمة الاسلامیه انجمن علمیسه عاندر .

۴ — هر کویک مکتبی ایچون تعیین و تخصیص اولنان معلم معاشنی اوقریه نک اهاالیسی تأمین و تسویه ایتمکله مکلفدر . شوقدرکه پاره نک مقدار و مفرداتی حاوی دفترده اهاالینک مهر و یا امضالری بوله حق و ایکی تقیسطده تحصیل و انجمن علمی به تسلیمی هیئت اختیاریه درعهده و تصدیق ایدم جکدر .

• — برنجی تقیسط تدریساته باشلاندینی تاریخنده ایکنجی کانون نانی ظرفده واجب الفحصیلدر . اجرت تحصیلیه یی ویرمکدن و چوققلری مکتبه کتیرمکدن امتناع ایدنلر حقنده تدریسات ابتداییه و تحصیل اموال قانونلرینه توفیقاً معامله زجریه اجرا ایدیه جکدر .

۶ — مکتب اجرئی ، چوققلری اولسون اولمالین هرکک درجه اقتدار و تحمله کوره هیئت اختیاریه جه طرح و توزیع ایدیه جک و ایکی نسخه تنظیم اولنه حق دفترک بریسی امام و مختار نزدنده حفظ اولنه رق دیکری انجمن علمی به تودیع ایدیه جکدر .

۷ — یدی یاشندن بدأ ابله کوچوک و بیوک هر مسلم مکتبه قبول ایدیه جکدر . انحق قز چوققلری اون بر یاشنه قدر مکتبه اله جقدر . بوندن یوقاریسی قبول ایدیه جکدر .

۸ . مکتبک محروقات شتایه سی چوققلر علی السویه کتیره جکدر . محتاج تعمیر محللرینی هیئت اختیاریه یایدیره جقدر .

۹ — مکتب تشرین نانی نهایتده قدر صاحبلری ساعت اوچده کانون نانی ده اوچ بچقده تسلط آینده ایکی بچق مارتده ایکیده آجیله حق آقشاملری ساعت طقوزده تعطیل ایدیه جکدر . اولبه وقتی تنفس ایدیه لک چوققلره جماعته نماز ادا ایتدیریه جکدر .

۱۰ — مکتبه اوقونه حق درس لک بروغرامی اطفالک قابلیت و استعدادینه کوره تطبیق و تدریس اولنه جقدر شویله که موجود شاگردان اوچ صنفه آیریه رق برنجی صنف الفبا اوقودیله حق و یازدیریه رق اجزاء شریفه حروف هجا اوزره اوقودیله حق و نماز سوره لریله دعالر اذرا ایتدیریه جکدر . ایکنجی صنف قرآن کریم مع تجوید و علم حال و رساله

اخلاق اوقوتدیریله جق حساب و یازی اوکره دیله جکدر. اوچنچی صنفده قرآن کریم تجوید و حسن ادا ایله تعلیم ایدیله جک علوم دینه، تاریخ اسلام، رساله اخلاق درسلی اوقوتدیله جق حساب، املا و حسن خط یازدیریله جکدر.

۱۱ — مکتبک اقاملری تعطیلندن بر ساعت اول اصول و عادات قدیمه تبعاً هر کون نماز سوره لرندن بری بلند صدا ایله هپ بر آغزندن یک آواز و مقام ایله چوجقلره از بردن اوقوتدیریله جکدر.

۱۲ — مکتبک تعطیلی اولان مارت نهایتده انجمن علمی طرفندن امتحانلری اجرا اوله جق و معلمین طرفندن امتحان جدوللری انجمنه ابراز ایدیله جکدر.

۱۳ — مدت تحصیل ائناسنده چوجقلرک تربیه اخلاقیه سنه صوک درجه اعتنا اولنه جکدر. مکتبک نظام و انتظامندن معلمئر مشؤلدر. شاید بر اویغونسزلق کوریلورسه در عقب انجمن علمی به معلومات و یریله جکدر.

۱۴ — پروغرام موجبنجه مکتبده اوقوتدیریله جق درسله متعلق کتاب و رساله لر انجمن واسطه سیله تدارک و مبیایه ایدیله جکدر.

۱۵ — اشبو تعلیماتک احکامنی معلمئر حرفاً اجرا ایده جکدر. جمعه دن ماعدا تعطیل کوئی یوقدر. وظیفه سنده دوامسزلنی کوریلنلر قسط الیوم جزاسنه اوغرایا جقلدر. تکرری حالتده عزل ایدیله جک و عندالله مشؤلیت معنویه کوره جکلری کبی وظیفه سنه حقیله جالیشان معلمئرک مظهر تلطف اولنه جنی شبهه سزدر.

کیره سون دارالحکمة الاسلامیه انجمن رئیسی

مفتی

عشاقده دارالحکمة الاسلامیه انجمنی تشکیل و ائمه احوالتک اصلاحه دائر مقررات اتخاذ ایدلشد.

